

U G O V O R
o kupoprodaji 1405-01/18

Zaključen između:

1. R & S d.o.o. Sarajevo, sa sjedištem u ulici Igmanska b.b., 71320 Vogošća kojeg zastupa direktor Kemal Selmanagić, ID broj 420005629005 (u daljem tekstu: Prodavač),

I

2. JU Osnovna škola "Grbavica II", sa sjedištem u ulici Behdžeta Mutevelića bb, 71000 Sarajevo, kojeg zastupa gospodin Sabahudin-Dino Bakal, ID broj 4200167950004 (u daljem tekstu: Kupac).

PREDMET UGOVORA

Član 1.

Predmet ovog Ugovora je nabavka robe – **KANCELARIJSKOG NAMJEŠTAJA- metalnog sigurnosnog, vatrootpornog ormara za arhiviranje spisa, sa četiri police, ključ bravom, dimenzija 1950*1200*500, Stuttgart Light, a** u skladu sa Predračunom Dobavljača br. 508/18 od 11.05.2018. godine (Prilog 1), dostavljena po direktnom sporazumu za dostavu ponuda.

TRAJANJE UGOVORA

Član 2.

Važnost ovog Ugovora je do momenta ispunjenja svih ugovorenih obaveza.

CIJENA

Član 3.

Cijena koju će Kupac isplatiti Dobavljaču za robu iz člana 1. Ugovora, a prema Predračunu Prodavca od 11.05.2018. godine iznosi:
Cijena bez PDV-a 2,700.00KM;
Porez na dodanu vrijednost (PDV 17%): 459.00KM ;
UKUPNA CIJENA sa PDV-om: 3,159.00KM (trihiljadejednastotinapedesetdevet)

USLOVI I NAČIN PLAĆANJA

Član 4.

Plaćanje će se izvršiti u roku od 30. dana od dana zaprimanja računa/fakture za stvarno isporučenu robu. Plaćanje se obavlja na žiro račun Dobavljača.
Kupčeva obaveza da isplati cijenu podrazumijeva poduzimanje mjera i udovoljavanje formalnostima predviđenim Ugovorom ili odgovarajućim zakonima i propisima da bi se omogućilo plaćanje.
Prodavac je dužan izdati/sačiniti fakturu u skladu sa odredbama pozitivnih propisa iz oblasti poreza, u suprotnom ista neće biti plaćena i biće vraćena Prodavcu na usklađivanje.

ROK ISPORUKE

Član 5.

Prodavac se obavezuje da će isporučiti Kupcu robu-ormar iz člana 1.ovog ugovora prema unaprijed dogovorenim uvjetima na osnovu primljene narudžbenice na adresu Škole Ul. Behdžeta Mutevelića bb Sarajevo, te da te istu unijeti i postaviti u kancelariju koju odredi Kupac.

Po prijemu ormara Kupac je dužan isti pregledati, te o eventualnim reklamacijama obavijestiti Prodavca bez odlaganja, u roku od 24 sata, koji je obavezan istu preuzeti i dostaviti drugu.

ODGOVORNOST ZA MATERIJALNE I PRAVNE NEDOSTATKE

Član 6.

Prodavac odgovara za materijalne nedostatke robe koje je ona imala u času prelaza rizika na Kupca, bez obzira na to da li mu je to bilo poznato. Prodavac odgovara i za one materijalne nedostatke koji se pojave nakon prelaza rizika na Kupca ako su posljedica uzroka koji je postojao prije toga.

Kupac je dužan detaljno opisati nedostatak i pozvati Prodavca da pregleda robu. Ako obavijest o materijalnom nedostatku koju je Kupac blagovremeno poslao Prodavcu preporučenim pismom, telefaksom ili na neki drugi pouzdan način, zakasni ili uopšte ne stigne Prodavcu smatra se da je Kupac izvršio svoju obavezu da obavijesti Prodavca. Nedostatak postoji ako ugovorena i isporučena roba nema svojstva i odlike koje su izričito određene ovim Ugovorom.

STUPANJE UGOVORA NA SNAGU

Član 7.

Ovaj Ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi sa ovim Ugovorom računaju se od dana stupanja Ugovora na snagu, ukoliko posebnom odredbom nije ugovoren neki drugi datum kao početak toka roka.

RJEŠAVANJE SPOROVA

Član 8.

Sve eventualne sporove i nesporazume koji bi mogli nastati iz ovog Ugovora ili povodom ovog Ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana ugovara se nadležnost općinskog suda u Sarajevu, Bosna i Hercegovina uz primjenu pozitivnog prava Bosne i Hercegovine.

OSTALE ODREDBE


Član 9.

Izmjene i dopune ovog Ugovora mogu se vršiti samo pisanim putem. Biće punovažne i obavezujuće ugovorne strane samo one izmjene i dopune koje su sačinili sporazumno u pisanoj formi.

Član 10.

Ovaj Ugovor je sačinjen u 2 istovjetna primjerka od kojih svaka ugovorna strana zadržava po 1 primjerak.


Prodavac:


R&S D.O.O. SARAJEVO

Kemal Selmanagić



Kupac:

JU Osnovna škola "Grbavica II" Sarajevo


Sabahudin Dino Bakal, prof.



BROS: 301/2018